

# Ein schön new lied / genāt

262

Des himmels strassen heysß ich /  
Wiltu so wandel mich /  
Ich bin rauch blutig / vñ vngesant /  
Vnd für euch inn das vatterlandt.  
In der weiß / Wolauff gut gesell von hins  
nen / meins bleibens ist nimmer hie.  
Oder in Bruder Viten thon.



64

+

Faint, illegible text, likely bleed-through from the reverse side of the page.



W  
nach.  
das dein  
geugt  
B  
und gro  
decken  
es muß  
sein grich  
für bey  
C Jun  
sein best  
licher / d  
ich der 2  
Gast / v  
bedie ch  
C Der  
sie zeyt  
er weiß  
im gro  
er man  
C Es

**A**l die jr jezund leidet / verfolgung  
trüb sal vnd schmach / Es sey Man  
oder Weyber / drags Creütz dē Herrn  
nach. Am ersten soltu lassen / die welt dein  
leib dein gut / Die vngedante straffe / ge-  
sprenge mir rotem blut.

¶ Billich sol vns erschrecken / die angst  
vnd grosse not / Wann Gott wirt auff er  
wecken / all menschen von dem todt. Vñ  
ich muß antwort geben / wol vor dē Jüng-  
sten gricht / bey zeit besser dein leben / lenger  
solt beyten nicht.

¶ Zum Creütz solt du dich risten / das ist  
mein bester rath / Ehe dann dein liecht ver-  
leschet / das du nicht kömbst zu spat. Weil  
dich der Brütgam kēnet / der heisset Ihesu  
Chrust / vnd auch dein liecht noch brennet /  
ehe die thür verschlossen ist.

¶ Der Herr ist außgeritten / yest in der  
letstē zeyt / er laßt vns alle bitten es sey man  
oder weib. Das niemandt sol außbleiben /  
zum grossen abendmal / groß freind die  
wirt man treiben / in Gottes vaters sal.

¶ Es soll ein yeder wissen / wer zu diser



hochzeit wil/das er doch sey geflissen/wol  
zu dem rechten zyl. Es seind die wort des  
Herrn / des nim du eben war / sy werden  
dich bekeren/wol zu der engel schar.

¶ Flihet alle zum Herrē/es dückt mich  
warlich gut / laßt euch die welt nit weren/  
zu vergiessen ewer blut. Laßt es mit frei  
den fließen / in brunen Jesu Christ/in HERN  
wollen wirs giessen/darauß es kumen ist.

¶ Gewalt den thut man treiben / wider  
Gott vn̄ wid̄ recht / wolestu an Gott nicht  
bleiben/ob dich all welt verschmecht. Got  
wirt dich nit verlassen/er fñrt dich bey der  
handt / die enge schmale strassen /der weeg  
ist vngēbant.

¶ Hiemitt so solt jr lieben/allein des Her  
ren wort/einander darinn üben / zu dungen  
durch die port. Es sind gar vil der strassen/  
die vns wöllen füren ab/dein leiß vnnd gut  
verlassen/such ewigs gut vnd hab.

¶ Ich wil euch all ermannen/kummet  
doch nicht zu spat/ greyfftz Creutz bey zeyt  
ane/ die weil jr habt die gnad. Leh dann  
vns werd beschlossen/ des Herrn gnaden

thür/sein blut hat er vergossen / verlescht d  
Zelle feror.

¶ Wer alle dein gedancfē/allein in Herren  
Got/von jm soltu nicht wancken/ weil  
er sein wonüg hat. In dein hertz gebawē/  
da treibt in niemandt auß/habt glaubē vñ  
vertrawen/ dein hertz ist Gottes hauß.

¶ Lieblich thut sich gesellen / zu dir der  
Engel schar/die sich bekeren wöllen/vnd  
nempt des Gots worts war. Das sie dar  
nach thun leben / bis in die ewigkeit / denn  
wirt jr sünd vergeben / vnd dort die ewig  
freud.

¶ Mensch laß dir gon zu hertzen / die  
angst vnd grosse not/des Herren leyden vñ  
schmerzen / am Creütz den bittern todt.  
Fünff tödlicher wunden / am creütz sach  
man jnn stan / gegeysfelt vnd gebunden/  
sein haupt ein dörne kron.

¶ Nun laßt vns alle bitten/den Herren  
Jesu Chriß/der für vns hat gelitten / vom  
todt erstanden ist. Das er vns mit wöll las  
sen / in aller angst vnd not/auff diser rauhe  
strassen/die er gewandelt hat.



¶ O wee jr hochgelertē / die ihr die schlüssel  
handt / ich mein all die verkerten / die nit  
durch Christum gant. Vnd vil leüt verfüh-  
ren / mit irem menschen thandt / jr mögend  
all wol spüren / sye bawen vff den sandt.

¶ Pilatus ist im lebē / das sicht man leyd  
wol / die Christen leüt hin geben / das lande  
das ist jr wol. Sie kommen her getretten /  
handt scheffene kleyder an / den Herrn wöl-  
len wir betten / er wölle bey vns stan.

¶ Quelen vnd auch vil straffen / müssen  
die Christen han / der Herr mitt seinen waf-  
sen / ist bey vns auff dem plan. Er wirt gar  
redlich schlagen / mit Euangelischer leer /  
freud eüch in kurzen tagen / erlösung ist  
nicht ferr.

¶ Ruffet allen blinden / der Herr der wil  
sie han / wa jr die lamē finden / die selber nit  
kñnnen gan. Die stett seind in verbotten /  
darein laßt mans nit gon / das wir betrach-  
ten solten / man hats dem Herren thon.

¶ Selig seind die armen / leert mich der  
Herrre Gott / man solt sich jr erbarmen / so  
werden sie verspott. Wie du in hast gemese

sen / schenckt man dir wider ein / wilt Brod  
im himmel essen / laß dirs besolhev sein.

¶ Turst thet Christus klagen / in seiner  
letsten not / schwer an dem creutz getragen /  
vergossen sein Blut so rot. Man gab im  
essig vnd gallē / dem waren Gottes son,  
man thuts in warlich allen / die in den him  
mel gan.

¶ Wolff Gernolt mit dem nammen /  
der leyder nicht gesicht / den frommen allē  
samen / hat er das lied gedicht. Das Iye mit  
fleiß für faren / allein in göttlichem wort /  
o wirt vns Gott bewaren / ewigklich hie  
und dort. **A M E N.**

¶ Gedrückt zu Nürnberg durch  
Christoff Gucknecht.

*Luna, 1945*

